

甲六

神異經

穆天子傳

漢武內傳

六

一  
二  
三  
四

龍威秘書一集

漢魏叢書採珍 十九種

第六册

神異經

漢東方朔

穆天子傳

晉郭璞

漢武內傳

漢班固





神異經目錄

東荒經

東南荒經

九則

五則

南荒經

西南荒經

十則

三則

西荒經

西北荒經

八則

六則

北荒經

東北荒經

三則

一則

中荒經

一則

十則

東林歌錄

目錄終

六則

西荒錄

西北歌錄

中荒錄

三則

南荒錄

西南歌錄

北荒錄

五則

東荒錄

東南歌錄

新異錄目錄

神異經

漢魏叢書原本

漢 東方朔著 明孫士鏞閱

東荒經

東荒山中有大石室。東王公居焉。長一丈。頭髮皓白。人形鳥面。而虎尾。載一黑熊。左右顧望。恒與一玉女投壺。每投千二百矯。按仙傳拾遺。矯字作梟。設有八不出者。天為之嚙。噓華口也。矯出而脫。悞不接者。言失之。天為之笑。華云言笑者。天口流火。炤灼今天下不雨。而有電光。是天笑也。

東方有人焉。男皆朱衣。縞帶。玄冠。女皆采衣。男女便

轉可愛恒恭坐而不相犯相譽而不相毀見人有患

投死救之名曰善人

俗云士人

一名敬

俗云敬謹

一名美

俗云美人

不妄言喑喑然而笑倉卒見之如癡

俗云善人如癡此之謂也

東方荒外有豫章焉此樹主九州其高千丈圍百尺

本上三百丈本如有條枝敷張如帳上有玄狐黑猿

枝主一州南北竝列面向西南有九力士操斧伐之

以占九州吉凶斫之復生其州有福創者州伯有病

積歲不復者其州滅亡

亡者州伯死復者木創復也

東方有桑樹焉高八十丈敷張自輔其葉長一丈廣



六七尺。其上自有蠶作繭。長三尺。繰一繭得絲一斤。有椹焉。長三尺。五寸圍如長。

東方有樹焉。高百丈。敷張自輔。葉長一丈。廣六尺。其名曰梨。如今之檀梨。但樹大耳。其子徑三尺。剖之少瓢。白如素。和羹食之。為地仙衣服。不敗。辟穀。可以入

水火一名木梨

東方有樹。高五十丈。葉長八尺。名曰桃。其子徑三尺。

二寸。和核羹食之。令人益壽。按別本壽誤食核中仁可

以治嗽。小桃溫潤。嘅嗽人食之即止。按別本作嘅嗽人肉滑者誤

東海之外荒海中有山焦炎而峙高深莫測蓋稟至陽之為質也海中激浪投其上噏然而盡計其晝夜噏攝無極若熬鼎受其洒汁耳

大荒之東極至鬼府山臂沃椒山

埤按玄中記云天下之疆者東海之

惡樵焉水灌而不已惡樵山名在東海南方三萬里海水灌之即消即沃椒也脚巨洋海中

昇載海日蓋扶桑山有玉雞玉雞鳴則金雞鳴金雞

鳴則石雞鳴石雞鳴則天下之雞悉鳴潮水應之矣

東海滄浪之洲生彊木焉洲人多用作舟楫其上多

以珠玉為戲物終無所負其木方一寸可載百許斤

縱石鎮之不能沒。

東方荒中有木名曰栗其殼徑三尺三寸殼刺長丈

餘實徑三尺殼亦黃其味甜食之多令人短氣而渴

埠按太平御覽引此去東荒北有栗樹高三十丈栗  
徑三尺其殼赤其肉黃白味甘食之令人短氣而渴

廣記所引  
出酉陽記

東方裔外有建山其上多橘柚

### 東南荒經

東南方有人焉周行天下身長七丈

埠按說郛所  
引作七尺誤腹

圍如其長頭戴雞父魁頭

華曰髮煩亂也  
埠曰雞父未詳

朱衣縞帶

以赤蛇繞額一作惡尾合於頭不飲不食朝吞惡鬼

三千暮吞三百此人以鬼為飯埠按廣記飯作食別本作飲誤以露

為漿廣記作霧名曰尺郭一名食邪道師云吞邪鬼一名

赤黃父今世有黃父鬼

東南荒中有邪木高三千丈或十餘圍或七八尺其

枝喬直上不可卽也埠云卽猶何也葉如甘瓜二百歲葉落

而生花花形如甘瓜花復三百歲落盡而生萼萼下

生子三歲而成熟成熟之後不長不減子形如寒瓜

長七八寸徑四五寸萼復覆生頂言發萼而得成實此不取

萬世如故若取子而留萼萼復生子如初年月復成

熟復二年則成萼而復生子其子形如甘瓢少親練音

甘美食之令人身澤不可過三升令人冥醉半日乃

醒木高人取不能得唯木下有多羅之人緣能得之

多羅一名無葉世人後生不見葉故謂之無葉也一

國名名倚驕按太平廣記引此作綺縞而張茂先注云驕謂直上不可那也知廣記誤

東南隅太荒之中有樸父焉夫婦竝高千里腹圍自

輔天初立時使其夫妻導開百川不用意說郭作用力

謫之竝立東南男露其勢女露其牝勢牝謂男女之

不飲不食不畏寒暑唯飲天露須黃河清當復使於  
夫婦導護百川古者初立此人開導河河或深或淺  
或隘或塞故禹更治使其水不壅天責其夫妻倚而  
立之黃河清者則河海絕流水自清矣

東南海中有烜洲洲有溫湖鮒魚生焉其長八尺食  
之宜暑而辟風寒

東南有石井其方百丈上有二石闕俠東南面上有  
蹲熊有榜著闕曰地戶

南荒經

南方有人人面鳥喙而有翼手足扶翼而行食海中

魚有翼不足以飛一名鵙堯書曰放鵙堯于崇山

按古

文尚書

作鵙堯一名驩堯為人狼惡不畏風雨禽獸犯死乃

休耳

南方有人長二三尺袒身而目在頂上走行如風名

曰魍魍所之國大旱

俗曰旱魃

一名格子善行市朝眾中遇

之者投著廁中乃死旱災消詩曰旱魃為虐或口生

捕得殺之禍去福來

南荒外有火山其中生不盡之木

埤按別本作不盡之木

晝夜

火燃得暴風不猛。猛雨不滅。

埠按立中記南方有炎火山四月生火其木皮

為火浣布

南方大荒之中有樹焉名曰杻。稼。樞。杻者杻黎也。稼

者株稼也。樞親暱也。三千歲作華。九千歲作實。其華

藥紫色。其實赤色。其高百丈或千丈也。敷張自輔。東

西南北方枝各近五十丈。葉長七尺。廣五尺。色如綠

青。木皮如梓。樹理如甘草。味飴。實長九尺。圍如其長

而無瓢核。以竹刀剖之。如凝蜜。一作如酥得食復見。實即

滅矣。言復見後實熟者。壽一萬二千歲。埠按言復見以下十三字



乃茂  
先註

南方大荒有樹焉名曰如何。三百歲作華。九百歲作實。華色朱。其實正黃。高五十丈。敷張如蓋。葉長一丈。廣二尺餘。似菅。苧色青。厚五分。可以絮。如厚朴。材理如支九子。味如飴。實有核。形如棗子。或作棘子長五尺圍如長金刀。剖之則酸。蘆刀剖之則辛。食之者地仙不。畏水火。不畏白刃。

南方荒中有涕竹。長數百丈。圍三丈。六尺。厚八九寸。可以為船。其筍甚美食之。可以止瘡癩。張茂先註曰子筍也

南方有肝。曠之林。其高百丈。圍三尺。八寸。促節多汁。

甜如蜜。昨嚼其汁。令人潤澤。可以節。虬蟲。

廣記引作虬蟲

人

腹中虬蟲。其狀如蚓。此消穀蟲也。多則傷人。少則穀

不消。是甘蔗能滅多益少。凡蔗亦然。

不盡。木火中有鼠。重千斤。毛長二尺餘。細如絲。但居

火中。洞赤。時時出外。而毛白。以水逐而沃之。卽死。取

其毛。績紡織。以爲布。用之。若有垢。澆以火。燒之。則淨。

南方蚊翼。下有小蜚蟲焉。目明者見之。每生九卵。復

未嘗有。卵復成九子。蜚而復去。蚊遂不知。亦食人及

百獸食者知言蟲小食人不去也此蟲既細且小因

曰細蟻陳章對齊桓公小蟲是也墀按陳章鷓鴣巢於蚊睫事見晏子

春秋此蟲常春生以季夏藏于鹿耳中名嬰蛭

南方有獸似鹿而豕首有牙善依人求五穀名無損

之獸人割取其肉不病肉復自復其肉惟可作鮓使

糝肥美而咋肉不壞吞之不入糝盡更添肉復作鮓

如初愈美名曰不盡鮓是也御覽獸部引此糝字作瀋鮓字作鮓

南荒之外有火山長四十里廣五十里其中皆生不

燼之木火鼠生其中

南方有銀山長五十里高百餘丈悉是白銀

西南荒經

西南大荒中有人長一丈腹圍九尺踐龜蛇戴朱鳥  
左手憑白虎知河海水斗斛識山石多少知天下鳥  
獸言語土地上人民所道知百穀可食識草木鹹苦  
名曰聖一名哲一名賢俗曰一名無不達凡人見而  
拜之令人神智此人爲天下聖人也一名先通

西南方有人焉身多毛頭上戴豕貪如狼惡好自積  
財而不食人穀疆者奪老弱者畏羣而擊單名曰饕

鬻春秋言鬻鬻者縉雲氏之不才子也一名合慄一  
名彊奪一名凌弱此國之人皆如此也

西南荒中出訛獸其狀若菟人面能言常欺人言東  
而西言惡而善其肉美食之言不真矣

言食其肉則  
其人言不誠

一名誕

### 西荒經

崑崙西有獸焉其狀如犬長毛四足似羆而無爪有  
目而不見行不開有兩耳而不聞有人知往有腹無  
五臟有腸直而不旋食物經過人有德行而往抵觸

之有凶德則往依憑之天使其然名爲渾沌春秋云  
渾沌帝鴻氏不才子也空居無爲常咋其尾回轉仰  
天而笑

以史記  
正義校

西方荒中有獸焉其狀如虎而犬毛長二尺人面虎  
足猪口牙尾長一丈八尺攪亂荒中名檮杌一名傲  
狠一名難訓春秋云顓頊氏有不才子名檮杌是也  
有人面目手足皆人形而脰下有翼不能飛爲人饕  
餮淫逸無理名曰苗民春秋所謂三苗書云竄三苗  
于三危

西荒之中有人焉長短如人著百結敗衣手虎爪名

曰獾。獾伺人獨行輒食人腦或舌出盤地丈餘人先

聞其聲燒大石以投其舌乃氣絕而死不然食人腦

矣。一本云伺人眠輒往就人欲食人腦

西方曰宮之外廣記引有山焉其長十餘里廣二三

里高百餘丈皆大黃之金其色殊美不雜土石不生

草木上有金人高五丈餘皆純金名曰金犀八山下

一丈有銀又一丈有錫又八一丈有鉛又八一丈有

丹陽銅似金可鍛以作錯塗之器淮南子術曰餌丹

陽之爲金是也

淮南子以下乃茂先註後人誤合爲經梁簡文帝詩云劍鏤丹陽銅用此

西荒中有獸如虎豪長三尺人面虎足口牙一丈八尺人或食之獸鬪終不退却唯死而已荒中人張捕之復黠逆知一名倒壽

西方深山中有人焉身長尺餘袒身捕蝦蟹性不畏人見人止宿暮依其火以炙蝦蟹伺人不在而盜人鹽以食蝦蟹名曰山臊其音自叫人嘗以竹著火中爆爇而出臊皆驚憚犯之令人寒熱此雖人形而變化然亦鬼魅之類今所在山中皆有之



西海水上有人乘白馬朱鬣白衣玄冠從十二童子

馳馬西海水上如飛如風名曰河伯使者或時上岸

馬跡所及水至其處所之之國雨水滂沱暮則還河

西海之外有鵠國焉男女皆長七寸爲人自然有禮

好經綸拜跪其人皆壽三百歲其行如飛日行千里

百物不敢犯之唯畏海鵠過輒吞之亦壽三百歲此

人在鵠腹中不死而鵠一舉千里

華曰陳章與齊桓公論小兒也

西方山中有蛇頭尾差大有色五彩人物觸之者中

頭則尾至中尾則頭至中腰則頭尾竝至名曰率然

茂先註云會稽常山最多此蛇孫子兵法三軍勢如  
率然者是也

西北荒經

西北有獸焉狀似虎有翼能飛便勦食人知人言語  
聞人鬪輒食直者聞人忠信輒食其鼻聞人惡逆不

善輒殺獸往饋之名曰窮奇亦食諸禽獸也

瑋按別本云窮

奇似牛而狸尾尾長曳地其聲似狗狗頭人形鉤爪  
鋸牙逢忠信之人齧而食之逢姦邪者則禽禽獸而  
之伺

西北荒有人焉人面朱髮蛇身人手足而食五穀禽

獸貪惡。愚頑名曰共。工書流共工於幽州。幽州北裔也。而此言西北方相近也。皆西裔之族耳。

西北荒中有玉饋之酒。酒泉注焉。廣一丈長深三丈。酒美如肉。澄清如鏡。上有玉尊。玉邊取一尊。一尊復生焉。與天同休。無乾時。石邊有脯焉。味如麀鹿脯。飲此酒。人不生死。一名遺酒。其脯名曰追復。食一片復

一片。或作一斤

西北荒中有二金闕。高百丈。金闕銀盤。圓五十丈。二闕相去百丈。上有明月珠。徑三丈。光照千里。中有金

階西北入兩闕中名曰天門。埤按陸公佐新闕銘云北荒明月卽此事

西北荒中有小人長一分其君朱衣玄冠乘輅車馬引爲威儀居人遇其乘車抓而食之其味辛終年不爲口所咋并識萬物名字又殺腹中三蟲三蟲死便可食仙藥也

西北海外有人長二千里兩脚中間相去千里腹圍一千六百里但日飲天酒五斗。張華云天酒甘露也不食五穀

魚肉唯飲天酒忽有饑時向天仍飲好遊山海間不犯百姓不千萬物與天地同名曰無路之人一名

仁一名信一名神

北荒經

北方荒中有棗林。其高五十丈。敷張枝條數里餘。疾風不能偃。雷電不能摧。其子長六七寸。圍過其長。熟赤如朱。乾之不縮。氣味潤澤。殊於常棗。食之可以安軀。益於氣力。故方書稱之。赤松子云。北方大棗。味有殊。既可益氣。又安軀。北方荒中有石湖。方千里。岸深五丈餘。恒冰。唯夏至左右五六日解耳。湖有橫公魚。長七八尺。形如鯉。而赤。晝在水中。夜化爲人。刺之。

不入煮之不死以烏桲二枚煮之則死食之可止邪  
病其湖無凸凹平滿無高下

北方層冰萬里厚百丈有磈鼠在冰下

埠按御覽土引作鼯鼠

中焉形如鼠食草木肉重千斤可以作脯食之已熱  
其毛八尺可以為褥臥之却寒其皮可以蒙鼓聞千  
里其毛可以來鼠此毛所在鼠輒聚焉

北海有大鳥其高千尺頭文曰天胸又曰候左翼文  
曰鷺右翼文曰勒頭向東正海中央捕魚或時舉翼  
而飛其羽相切如風雷也

東北荒經

東北荒中有木高四十丈葉長五尺廣三尺名曰粟  
其實徑三尺二寸其殼赤其肉黃白味甜食之令人  
短氣而渴

中荒經

崑崙之山有銅柱焉其高八天所謂天柱也圍三千  
里周圍如削下有石屋方石丈仙人九府治之上有  
大鳥名曰希有南向張左翼覆東王公右翼覆西王  
母背上小處無羽一萬九千里西王母歲登翼上之

東王公也。故其柱銘曰崑崙銅柱。其高入天。員周如削。膚體美焉。其鳥銘曰有鳥希有。碌赤煌煌。不鳴不食。東覆東王公。西覆西王母。王母欲東。登之自通。陰陽相須。唯會益工。

九府玉童。玉女與天地同休息。男女無爲匹配。而仙道自成。張茂先曰。言不爲夫妻也。男女名曰玉人。東方有宮。青石爲墻。高三仞。左右闕。高百尺。畫以五色。門有銀榜。以青石碧鏤。題曰天地長男之宮。西方有宮。白石爲墻。五色玄黃。門有金榜。而銀鏤。題曰天



地少女之宮中央有宮以金爲牆門有金榜以銀鑲  
題曰天皇之宮南方有宮以赤石爲牆赤銅爲門闕  
有銀榜曰天皇中女之宮北方有宮以黑石爲牆題  
曰天地中男之宮東南有宮黃石爲牆黃榜碧建題  
曰天地少男之宮西北有宮黃銅爲牆題曰地皇之  
宮

東方裔外有東明山以青石爲牆西方裔外有大夏  
山以金爲牆南方裔外有岡明山以赤石爲牆西南  
裔外老壽山以黃銅爲牆東南裔外闡清山以青石

為牆西北裔外西明山以白石為牆皆有宮益神仙之宅也

東北有鬼星石室三百戶共一門石榜題曰鬼門西

南銅關夾榜題曰人往門東北銅關夾門榜題曰人

來門

南方有獸焉角足大小形狀如水牛皮毛黑如漆食

鐵飲水其糞可為兵器其利如剛名曰齧鐵玄黃經云南方

齧鐵糞利為剛食鐵飲水腸中不傷瘴按今蜀中深山亦有齧鐵獸

鬼門晝日不開至暮即有人語有青火色

西南大荒有馬其大二丈髯至膝尾委地蹄如丹踠

可握日行千里至日中而汗血乘者當以絮纏頭以辟風病彼國人不纏

北方有獸焉其狀如獅子食人吹人則病名曰猓音恒近人村里入人居室百姓患苦天帝徙之北方荒中

西方深山有獸焉面自手足毛色如猴體大如驢善緣高木皆雌無雄名綢順人三合而有子要路疆牽男人將上絕冢之上取菓并竊五穀食更合三畢而定十月乃生

不孝鳥狀如人身犬毛有齒猪牙額上有文曰不孝  
口下有文曰不慈背上有文曰不道左脅有文曰愛  
夫右脅有文曰憐婦故天立此異畀以顯忠孝也

穆天子傳序

穆天子傳出汲冢晉荀勗校定爲六卷有序言其事雖不典其文甚古頗可觀覽予攷書序稱穆王饗國百年耄荒太史公記穆王賓西王母事與諸傳說所載多合則此書蓋備記一時之詳不可厚誣也春秋之時諸侯各有國史多龐雜之言下逮戰國王迹熄而聖言湮處士橫議而異端起人人家自爲說求其欲不龐雜其可得乎其書紀王與七萃之士巡行天下然則徒衛簡而徵求寡矣非有如秦漢之千騎萬

乘空國而出也王之自數其過及七萃之規未聞以爲迂也登羣玉山命邢侯攻玉而不受其牢是先王恤民之法未嘗不行至遇雨雪士皆使休獨王之八駿超騰以先待輒旬日然後復發去是非督令致期也其承成康熙洽之餘百姓晏然雖以徐偃王之力行仁義不足以爲倡而搖天下以知非有暴行虐政而君子猶以王爲獲沒於祇宮爲深幸足以見人心之危之如此也是豈可效哉是豈可效哉存其書者固可以覽其古徵其事者又安可不考其是非歟南

臺都事海岱劉貞庭幹舊藏是書懼其無傳暇日稍  
加讎校訛舛命金陵學官重刊與博雅之士共之諗  
予題其篇端云時至正十年歲在庚寅春二月二十  
七日壬子北岳王漸玄翰序

少日士子非岳王滿文餘乳

中隱其意欲云神聖五十年歲非與商森二民之十

賦翻必用救命金刻地宜重民國漸驟之注參以

變林事與否隱與與神詩蘇景書勤其無漸漸



穆天子傳卷一

漢魏叢書原本

晉 郭璞註 吳郡汪明際訂

古文

飲天子蠲音涓山之上戊寅天子北征乃絕漳水絕猶截也

漳水今在鄴縣庚辰至于口觴天子于盤石之上觴者所以進酒因云

耳天子乃奏廣樂史記云趙簡子疾不知人七日而寤曰我之帝所甚樂與百神游于

鈞天廣樂九奏萬舞不類三代載立不舍言在車上立不下也

至于鉞山之下鉞山今在常山石邑縣鉞音邢癸未雨雪天子獵

于鉞山之西阿阿山阿也於是得絕鉞山之隊隊謂谷中險阻道也

遂北循虞沱之陽音虞沱河今在雁門鹵城縣乙酉天

子北升于口天子北征于犬戎國語曰穆王將征犬戎祭公謀父諫不從

遂征之得四白狼四白鹿以歸自是荒服不至紀年又曰取其五王以東犬戎口胡觴天

子于當水之陽天子乃樂口賜七萃之士戰萃集也聚也亦

猶傳有輿大夫皆聚集有智力者為王之爪牙也庚寅北風雨雪詩曰北風其涼雨雪

其霧天子以寒之故命王屬休令王之徒屬休息也甲午天子西

征乃絕踰之關隘隘阪也疑北謂北陵西踰西已亥踰雁門山音俞已亥至

于焉屠禺知之平疑皆國名辛丑天子西征至于鄴人崩

名音巨肯切河宗之子孫鄴栢絮伯爵絮名古且逆天子

于智之口先豹皮十良馬二六古者為禮皆有以先之傳曰先進乘韋

天子使井利受之井利穆王之嬖臣癸酉天子舍于漆淠宿一

為乃西釣于河以觀口智之口甲辰天子獵于滲澤

於是得白狐玄貉焉以祭於河宗以將有事于河奇此獲故用之漢武

帝郊祀得一角白鹿以為祥瑞亦將燎祭之類丙午天子飲于河水之阿阿水

也天子屬六師之人于鄒邦之南滲澤之上屬猶會也戊

寅天子西征鷺行至于陽紆之山鷺猶馳也河伯無

夷之所都居無夷馮夷也山海經云水夷是惟河宗氏河四瀆之宗主河者

目以河宗伯天逆天子燕然之山伯天字也勞用束帛加

璧勞郊勞也五兩為一東兩今之二丈先白口天子使鄒父受之鄒父公

謀父作祈招之詩者招之詩者癸丑天子大朝于燕口之山河水之阿蓋朝

會郡官告將禮河也乃命井利梁固梁門大夫聿將六師聿猶曰也天子

命吉日戊午詩曰吉日庚午天子大服冕禕冕冠禕衣蓋王后之上服今帝

服之所未詳禕音暉帔帶帔韠也天子赤帔音弗搢搢一名斑亦謂之

大圭楯猶帶也也音忽夾佩左右佩奉璧南面立于寒下寒下未詳曾

祝佐之會重也傳曰魯臣偃官人陳牲全五口具牛羊之品曰生體完日全

牲或曰全色純也傳曰牲全肥臚天子授河宗璧河宗伯天受璧西

向沉璧于河河位載崑崙再拜稽首稽首首至地也祝沉牛馬豕

羊河宗口命于皇天子。加皇者河伯號之。呼穆帝曰

穆滿。以名應謙也。言諡蓋後記事者之辭。女當永致用。皆事。語穆王當長幹理世。

事也。南向再拜。穆王河宗又號之。帝曰穆滿示女春

山之瑤。山海經春字作鍾音同耳。言此山多珍寶奇怪。詔女崑崙口舍四乎

泉七十。疑皆說崑崙山上事物。乃至於崑崙之丘以觀春山之

瑤。皆河伯與穆王詞語。賜語晦。月終為晦言蓋天子受命南向

再拜。受河伯命。已未天子大朝于黃之山。將禮河而去。乃披圖

視典用觀天子之瑤器。省河所曰天子之瑤。曰河圖辭也。

玉果。石似美玉所璿珠。璿玉類也音旋。燭銀。銀有精光如燭。黃金之

膏。金膏亦猶玉膏皆其精洌也。天子之珤萬金。口珤百金。士之珤

五十金。鹿人之珤十金。自萬金以下宜次言諸侯之珤千金大夫之珤百金此書

殘缺集錄者不續以見闕文耳。天子之弓射人步劍牛馬犀曰器干

金。步劍疑先光之劍也犀似水牛庫脚脚為三角黑色。天子之馬走千里勝人

猛獸。言无勢傑駭也。天子之狗走百里執虎豹。言勦力壯猛也。伯天

曰征鳥使翼曰口鳥鳶。音緣鷓也。鸛雞飛八百里。即鷓雞鸛屬也。

名獸使足口走千里。狡狯口野馬走五百里。俊狯獅子亦食

虎豹野馬亦如馬面小狻音俊狯音悅。叩叩距虛走百里。亦馬屬尸子曰距虛不釋

地而走山海經云至距虛並言之耳。糜口二十里。自糜以上似次第獸能走里數遠近

曰伯天皆致河典典禮也伯此以上事物皆河圖乃

乘渠黃之乘為天子先先驅導以極西土極乙丑天

子西濟于河口爰有温谷樂都温谷言冬暖也燕河

宗氏之所遊居伯天之丙寅天子屬官效器會官司

物乃命正公郊父正公謂三上公天子受勅憲憲教

管子曰用伸口八駿之乘入駿名以飲于枝詩之中

水岐成詩詩積石之南河積石山名今在金城河間

天子之駿駿者馬赤驥世所謂盜驪為馬細頸白義

踰輪山子渠黃華騮色如華而赤今名馬標赤也綠耳綠

曰此唐之君來見以一騮馬是生綠耳魏時鮮卑獻千里馬白色而兩耳黃名曰黃耳即此類也八駿皆

因其毛色以為名號耳案史記造父為穆王得盜驪華駟綠耳之馬御以西巡遊見西王母樂而忘歸皆

與此同若狗重工徹止藿猥口黃南口來白皆凌狗之名亦

合符契猶宋鵠天子之御造父三百下云三百為御者耿脩芍及造

善御穆王封之趙城餘未闕也曰天子是與出口入藪田獵釣弋

弋繳天子曰於乎一人不盈于德盈猶充也而辨於樂

辨作遊後世亦追數吾過乎穆王遊放過度行輒忘歸故作此言以自警也

七萃之士曰天子曰後世所望無失天常奉天時也農工

既得歲豐登也男女衣食無饑寒也百姓珎富富者安也官人執事



各視職事。故天有肯四時民口氏響口音國何謀於樂言不規樂而樂

自何意之忘常慎與民共利世以為常也。天子嘉之

善其賜以左佩華也玉華之佩乃再拜頓首

佩之精也



穆天子傳卷二

古文

口伯天口口封膜畫于河水之陽

膜畫人名疑音莫

以為殷

人主

主謂主其祭祀言同姓也

丁巳天子西南升口之所主居

說

古之賢聖以居

爰有大木碩草

碩大也

爰有野獸可以畋獵皮

午哥口之人居慮

古疇字居慮名

獻酒百口于天子

百下脫盛酒器

天子已飲而行遂宿于昆侖之阿赤水之陽

昆侖山有

五色水赤水出東南隅而東北流皆見山海經

爰有鷓鳥之山

鷓音甄一名梅

天子

三日舍于鷓鳥之山口吉日辛酉天子升于昆侖之

邛以觀黃帝之宮黃帝巡遊四海登昆侖山而起宮室于其上見新語而豐口

隆之葬隆上字疑作豐豐隆筮御雲得大壯卦遂為雷師亦猶黃帝橋山有墓封謂增高其上土

也以標顯之耳以詔後世詔謂語之癸亥天子具蠲齊牲全以禋

口昆侖之邛蠲者潔也齊祭神曰禋書天子禋于六宗蠲音圭甲子天子北

征舍于珠澤此澤出珠因名之曰今越嶠平澤出青珠是以釣于流水曰

珠澤之藪方三十里澤中有草者為藪爰有萑葦莞蒲莞菴蒲或

曰莞蒲齊名耳關西云莞音九茅蒨蒨今苦蒨荷也似萑蒨詩曰

四月秀要乃獻白玉字音倍角之一而細音兼口三可以詩曰口沐乃進

食口酒十口姑劓九口亦味中糜胃而滑中猶合也因獻

食馬三百

可以供廚膳者

牛羊三千天子口昆侖

此以上似說封人於

昆侖山旁

以守黃帝之宮南司赤水而北守春山之寶

欲以

崇表聖德因用顯其功迹

天子乃口之人口吾黃金之環三五

空邊

等為

朱帶貝飾三十

淮南子曰其貝帶勝綈是也

工布之四口吾

乃膜拜而受

今之胡人禮佛舉手加頭稱南膜拜者即此類也音模

天子又與

之黃牛二六

以為犧牲種

以三十口人于昆侖邛季夏丁

卯天子北升于春山之上以望四野曰春山是唯天

下之高山也。孳木口華畏雪天子於是取孳木華之

寶

持歸種之孳音滋

曰春山之澤清水出泉溫和無風

无條適也

飛鳥百獸之所飲食先王所謂縣圃

淮南子曰昆侖去地一萬一千

里上有會城九重或上倍之是謂閭風或上倍之是謂玄圃以次相及山海經云明明昆侖京圃各一山

但相近耳又曰實唯帝之平圃也天子於是得玉築枝斯之英英玉之精

華也尸子曰龍泉有玉英山海經曰黃帝乃取審山之玉築而投之鍾山之陽是也曰春山百

獸之所聚也飛鳥之所棲也爰有口獸食虎豹如麋

而載骨盤口始如麕小頭大鼻麕麋是也爰有赤豹白虎

詩云赤豹黃羆熊羆豺狼野馬野牛山羊野豕今華陰山有野牛山羊肉

皆千爰有白鳥青鷗執犬羊食豕鹿今之鷗赤能食獐鹿曰天

子五日觀于春山之上乃為銘迹於縣圃之上以詔

後世謂勒石銘功德也秦始皇漢武帝巡守登名山所在刻石立表此之類也壬申天子

西征甲戌至于赤烏之人其獻酒千斛于天子食馬

九百羊牛三千糶麥百載糶似黍而不粘天子使祭父受之

曰赤烏氏先出自周宗與周同始祖大王亶父即古公亶父字也

之始作西土言作興於岐山之下今邑在扶風美陽是也封其元子吳太

伯于東吳太伯讓國入吳因即封之於吳詔以金刃之刑南金精利故語其刑

法也賄用周室之璧賄贈也封丌璧臣長季綽于春山之

風妻以元女詔以玉石之刑昆侖山出美玉石處故以語之以為周

室主天子乃賜赤烏之人口其墨乘四周禮大夫乘墨車黃

金四十鎰二十兩貝帶五十朱三百裹乃膜拜而

受裏音罪過之過曰口山是唯天下之良山也寶

玉之所在嘉穀生之草木碩美天子於是取嘉禾以

歸樹于中國漢武帝取外國香曰天子五日休于口

山之下乃奏廣樂赤烏之人乃好獻女于天子所以

也好女聽女列為嬖人一名聽名失曰赤烏氏美人之

地也寶玉之所在也已卯天子北征趙行口舍趙猶

舍三里庚辰濟于洋水洋水出崑崙山西北辛巳入于

曹奴之人戲觴天子于洋水之上戲國人乃獻食馬



九百牛羊七千糶米百車天子使逢固受之逢固周大夫

天子乃賜曹奴之人戲口黃金之鹿銀口今所在地中得王肫

金狗之類此皆古者以賂夷狄之奇貨也貝帶四十朱四百裏戲乃膜拜

而受壬午天子北征東還從東頭而還歸甲申至於黑水亦

出崑崙山西北隅而東南流西膜之所謂鴻鷺西膜沙漠之鄉以言外域人名物與

中華不同春秋叔弓敗莒師于瀆水穀梁傳曰於是狄人謂瀆泉失名號以中國名從主人之類也於是

降雨七日天子留骨六師之屬穆王馬駿而御良天故行輒出從衆前

子乃封長肱于黑水之西河即長臂人也身如中國臂長三丈魏時在赤海

中得此人裾也長脚人國又在赤海東皆見山海經是惟鴻鷺之上以為周室

主是曰留骨之邦因以名之辛卯天子北征東還乃循黑

水癸巳至于羣王之山山海經云羣玉山西王母所居者容口氏之

所守曰羣玉田山口知阿平無險言邊無險阻也四徹中繩

言皆平直先王之所謂策府言往古帝王以為藏書冊之府所謂藏之名山者也寡

草木而無鳥獸言純玉石也爰有口木西膜之所謂口天

子於是取玉三乘玉器服物環佩之屬於是載玉萬隻隻玉

為穀見左氏傳天子四日休羣玉之山休遊息也乃命邢侯待攻

王者待留之也邢今廣平裏邑縣孟秋丁酉天子北征口之人潛

時潛時名也觴天子于羽陵之上乃獻良馬牛羊天子以

其邦之攻玉石也不受其年。重慎費其牢牲禮也。伯天曰口氏

檻口之後也。天子乃賜之黃金之罍三六。卽孟也徐州謂之罍

朱三百裹潛時乃膜而受。戊戌天子西征辛丑至于

剖間氏。音倚天子乃命剖間氏供食六師之人。天子六軍詩曰

周王于邁六師及之于鐵山之下壬寅天子登于鐵山乃徹祭

器于剖間之人。以祭餘胙賜之温歸乃膜拜而受。温歸名也天子

已祭而行乃遂西征丙午至于鷄韓氏爰有樂野温

和糝麥之所草。此字作草下阜疑古茂字犬馬牛羊之所昌。昌猶盛也

寶玉之所口丁未天子大朝于平衍之中。衍墳之下者見周禮

乃命六師之屬休已。西天子大饗正公諸侯王吏七。

萃之士于平衍之中。鷄韓之人無鳧。乃獻良馬百匹。

用牛三百。可服用者良犬七千。調習者牝牛二百。野馬三百。

牛羊二千。稌麥三百。車天子乃賜之黃金銀罍四七。

貝帶五十。朱三百。裹變口。雕官無鳧。上下乃膜拜而。

受。疑古上下字今庚戌天子西征。至于玄池。天子三。

日休于玄池之上。乃奏廣樂三日而終。是日樂池。因改

名為廣樂池。猶漢武天子乃樹之竹。種竹池邊是曰竹林。

改。祠鄉為聞喜之類。者為林。癸丑天子乃遂西征。丙辰至于苦山西膜之。

所謂茂苑。天子於是休獵。於是食苦。苦少名可食丁巳天  
子西征。巳未宿於黃鼠之山西口。乃遂西征。癸亥至  
于西王母之邦。

平定注并久漢



子... 正... 公... 女...

穆天子傳卷三

古文

吉日甲子天子賓于西王母

西王母如人虎齒蓬髮戴勝善嘯紀年穆王十

七年西征崑崙邛見西王母其年來見賓于昭公

乃執白圭玄璧以見西王

母

執贄者致敬也

好獻錦組百純口組三百純

純正端名也周禮曰純帛

不過五兩組綬屬音祖

西王母再拜受之口乙丑天子觴西王

母于瑤池之上西王母為天子謠

徒歌曰謠

曰白雲在天

山際

陵字

自出道里悠遠山川間之

間音諫

將子無死將請

也尚能復來

尚庶幾也

天子荅之曰子歸東土和治諸夏

萬民平均。吾顧見汝比及三年將復而野。顧還也。復反此野見。

汝也。天子遂驅升于弇山。弇山茲山目入所也。乃紀丌跡于弇山

之石。銘題之。而樹之槐。眉曰西王母之山。言是西王母所居也。西

王母之山還歸丌口。世民作憂以吟曰。北徂西土。徂往也。

爰居其野。虎豹為羣於鵠與處。於讀曰鳥。嘉命不遷。言守也。

此一我惟帝。帝天方也。天子大命而不可稱。顧世民之恩

流涕。岫隕吹笙鼓簧。簧在笙中。中心翔翔。憂無薄也。世民之子

唯天之望。所瞻望也。丁未天子飲于温山口。考鳥。紀年曰穆王見。

西王母西王母止之曰有鳥。人疑說此鳥脫治不可知也。已酉天子飲于溇水。



之上源音乃發憲命憲謂法令詔六師之人口其羽爰有

口藪水澤爰有陵衍平陸大阜曰陸高平日陸碩鳥解羽六師

之人畢至于曠原言將獵也下云北至曠原之野飛鳥之所解其羽山海經云大澤方

千里羣鳥之所生及所解紀年曰穆王北征行積羽千里皆謂此野耳曰天子三月舍

于曠原口天子大饗正公諸侯王勒七萃之士勒猶勞也

于羽琫之上下有羽陵疑亦同乃奏廣樂口六師之人翔旼

于曠原翔猶遊也得獲無疆無疆無限也鳥獸絕羣言取盡也六師

之人大畋九日乃駐于羽之口收皮效物物謂毛色也詩云九

十雅債車受載債猶借也天子於是載羽百車十羽為箴百羽為縛

十縛為緝見周官 已亥天子東歸六師口起庚子至于口之

山而休以待六師之人庚辰天子東征癸未至于戊

口之山智氏之所處口智口往天子于戊口之山勞

用白驂二疋驂駟馬也野馬野牛四十守犬七十任守備者乃

獻食馬四百牛羊三千曰智氏口天子北遊于獮子

之澤智氏之夫獻酒百口于天子天子賜之狗璫采

疑玉名黃金之罌二九貝帶四十朱丹三百裹桂薑百

口乃膜拜而受乙酉天子南征東還已丑至于獻水

乃遂東征飲而行乃遂東南已亥至于瓜纁之山三

周若城言山周匝三闕氏胡氏闕音之所保天子乃

遂東征南絕沙衍沙衍水中辛丑天子渴于沙衍沙

無水求飲未至七萃之士高奔戎刺其左驂之頸取

其青血以飲天子今西方羌胡刺馬天子美之乃賜

奔戎佩玉一隻奔戎再拜古稽天子乃遂南征

甲辰至于積山之邕爰有萼栢曰焉余之人命懷命

人獻酒于天子天子賜之黃金之罍貝帶朱丹七十

裏命懷乃膜拜而受乙巳口諸諸獻酒于天子亦人

名音健天子賜之黃金之罍貝帶朱丹七十裏諸亦人

乃膜拜而受之

穆天子傳卷四

古文

庚辰至于滔水濁繇氏之所食

山海經曰有川名曰三淖昆吾之所食亦

此類辛巳天子東征癸未至于蘇谷骨飭氏之所衣被

言谷中有草木皮可以為衣被

乃遂南征東還丙戌至于長泱重醴

氏之西疆

疆界也丁亥天子升于長泱乃遂東征庚寅

至于重醴氏黑水之阿爰有野麥

自然生也爰有荅董祇謹

兩音西膜之所謂木禾

木禾粟類也長五尋大五圍見山海經云重醴氏之

所食爰有采石之山

出文采石也重醴氏之所守曰枝斯

璿瑰璿瑰玉名左傳曰贈我璿瑰旋回兩音瑋瑋亦玉名琅玕石似珠

兩音玲瓏玲瓏音鈴瓏瑣瑣音遙琪琪玉屬也于于其二音徽尾無

焉凡好石之器于是出此盡出孟秋癸巳天子命重重

氏共食天子之屬音共言不及六師也五日丁酉天子升于采

石之山於是取采石焉天子使重重之民鑄以成器

于黑水之上今外國人所鑄作器者亦皆石類也器服物佩好無疆曰

天子一月休秋癸亥天子觴重重之人觴乃賜之

黃金之罌二九銀鳥一隻貝帶五十珠七百裏筒箭

桂薑百崗絲纁雕官觥鼠乃膜拜而受乙丑天子東

征鰥鼠送天子至于長沙之山口。隻天子使栢天受

之栢天曰重。繇氏之先三苗氏之口處以黃木。鼈銀

采口乃膜拜而受。三苗舜所竄於三危山者丙寅天子東征南還

已巳至于文山西膜之。所謂口觴天子于文山西膜

之人乃獻食馬三百牛。羊二千糝米千車。天子使畢

矩受之。曰。天子三日遊于文山。於是取采石。以有采石

故號文山壬寅天子飲于文山之下。文山之人歸遺。歸遺名也

乃獻良馬十駟。四馬為駟用牛三百。守狗九十。犛牛二百

以行流沙。此牛能行流沙中如橐駝天子之豪馬。豪牛。豪猶髭也山海經云

此馬如馬足 虬狗或曰虬亦狗名 豪羊似髦 以三十

祭文山又賜之黃金之罍二九貝帶三十朱三百裏

桂薑百崗歸遺乃膜拜而受癸酉天子命駕八駿之

乘右服鬪疑華 而左綠耳右驂赤麓古驥 而左白

儀古義 天子主車造父為銜箇箇為右次車之乘次車

副 右服渠黃而左踰輪右盜驪而左山子栢天主車

參百為御奔戎為右天子乃遂東南翔行馳驅千里

一舉轡千里 至于巨蒐之人獠奴乃獻白鵠之血以

飲天子所以飲血 因具牛羊之漣漣乳也今江南人亦呼乳為漣音寒



凍以洗天子之足令肌膚滑及二乘之人謂主天子車及副車者也甲

戊巨蒐之獮奴觴天子于焚留之山乃獻馬三百牛

羊五千秋麥千車秋麥禾也膜稷三十車稷粟也膜未聞天子使

栢天受之好獻枝斯之石四十精者為英銜韶曼籥琕佩

百隻琅玕四十疑此紆葛之屬天子使造父受之

口乃賜之銀木鍤采黃金之罍二九貝帶四十朱三

百裏桂薑百崗獮奴乃膜拜而受乙亥天子南征陽

紆之東尾尾山後也乃遂絕毖晉之谷已至于纒瑤河之

水北阿爰有爨洩之口河伯之孫今西有渠搜國疑爨渠字事皇

天子之山有模莖其葉是食明后

模莖木名后君也莖音謹

天子

嘉之賜以佩玉一隻栢天再拜稽首癸丑天子東征

栢天送天子至于鄴人鄴伯絮觴天子于澡澤之上

斯多之汭

汭水

河水之所南還

還回也音旋

曰天子五日

休于澡澤之上以待六師之人戊午天子東征顧命

栢天歸于丌邦天子曰河宗正也栢天再拜稽首

也天子南還升于長松之陞

坂有長松

孟冬壬戌至于雷

首

雷首山名今在河東蒲坂縣南也

犬戎胡觴天子于雷首之阿乃

獻食馬四六天子使孔牙受之曰雷水之平寒寡人

具犬馬羊牛爰有黑牛白角爰有黑羊白血記異也癸

亥天子南征升于髭之隘音訾丙寅天子至于鉏山之

隊東升于三道之隘乃宿于二邊命毛班毛班毛伯衛之先也

逢固先至于周以待天之命癸酉天子命駕八駿之

乘赤驥之駟造父為御南征翔行逕絕翟道在隴

西謂截隴坂過升于太行南濟于河馳驅千里遂入于宗周

官人進白鵠之血以飲天子以洗天子之足亦謂乳也造

父乃具羊之血以飲四馬之乘一與王同車御右之屬左傳所謂四乘

是也庚辰天子大朝于宗周之廟乃里西土之數里謂計其

道里也紀年曰穆王西征還里天下億有九萬里曰自宗周灋水以西灋水今在

洛西洛即成周也音纏至于河宗之邦陽紆之山三千有四百

里自陽紆西至于西夏氏二千又五百里自西夏至

于珠余氏及河首千又五百里自河首襄山以西南

至于春山珠澤昆侖之邛七百里自春山以西至于

赤鳥氏春山三百里東北還至于羣玉之山截春山

以北截猶阻也自羣玉之山以西至于西王母之邦三千

里口自西王母之邦北至于曠原之野飛鳥之所解

其羽所謂解毛之處千有九百里口宗周至于西北大曠原

按山海經云羣鳥所集澤有兩處一萬四千里乃還  
方百里一方千里卽此大曠原也

東南復至于陽紆七千里還歸于周三千里各行兼

數三萬有五千里吉日甲申天子祭于宗周之廟行告

反也書大傳曰乙酉天子曰六師之人于洛水之上  
反必告廟也

丁亥天子北濟于河口羝之隊以西北升于盟門九

河之陞盟門山今在河北尸子乃遂西南仲冬壬辰  
日河出于盟門之上

至鼂山之上乃奏廣樂三日而終吉日丁酉天子入

于南鄭今京兆鄭縣也紀年穆王元年築祗宮  
于南鄭傳所謂王是以獲沒于祗宮者



穆天子傳卷五

古文

寶處曰天子四日休于濩澤

今平陽漢是也音濩特

於是射

鳥獵獸丁丑天子口雨乃至祭父自圃鄭來謁

鄭有圃田

因云圃鄭謁告也

留昆歸玉百枚

留昆國見紀年

陵翟致賂

陵翟隗姓國也

音良馬百駟

傳曰文駟馬百駟

歸畢之寶

畢國分言翟前取此寶也

以詰其

成成謂平也詰猶責也

陵子高胡口東牡

夷狄有德者稱子疇胡名

見許男

于洧上

男爵也許國今許昌縣洧水之所在音羽美反

祭父以天子命辭曰

去茲羔用玉帛見

禮男執蒲璧許男欲崇謙故執羔也

許男不敢辭奉

命還取束帛加璧口毛公舉幣玉毛公即毛班也是日也天

子飲許男于滄上天子曰朕非許邦而恤百姓口也

咎氏宴飲母有禮禮天子稱異姓諸侯為伯舅燕者私會不欲崇禮敬也管子曰伯舅

無下拜字亦作身舅咎猶舅也許男不敢辭升坐于出尊禮記曰反

兩君為好既獻反爵玷上出尊蓋此之類也坐之於尊邊使為酒魁欲以盡歡酣也乃用宴樂

言曲天子賜許男駿馬十六稱駿者名馬也許男降再拜空

首空首頭至于地乃升平坐及暮天子遣許男歸癸

亥天子乘鳥舟龍卒浮于大沼沼池龍下有舟字舟皆以龍鳥為形制今

吳之青雀舫夏庚午天子飲于滄上乃遣祭父如圃此其遺制者



鄭用口諸侯辛未天子北還釣于漸澤食魚于桑野

丁丑天子里圃田之地盡規度以為苑圃而虞守之也東至于房

房房子屬趙國地有嶺山西至于口邛南至于桑野北盡經林煮

口之藪南北五十口十虞東虞曰兔臺西虞曰櫟丘

櫟今河南陽翟縣音才南虞曰口富邛北虞曰相其御虞曰口

來十虞所口辰天子次于軍邛以畋于藪口甲寅天

子作居范宮范離宮之名也以觀桑者桑採桑也詩云桑者間間兮乃飲

于桑中桑林之中天子命桑虞主桑者也出口桑者用禁暴人

不得令妄仲夏甲申天子口所庚寅天子西遊乃宿

于祭祭祭公邑壬辰祭公飲天子酒乃歌。天之詩詩頌有吳

天有成命二后受之成王不敢康疑祭公以此規諫也天子命歌南山有詩

雅有南山有臺樂只君子邦家之基以乃紹宴樂紹繼

也丁酉天子作臺以為西居壬寅天子東至于雀梁

甲辰浮于滎水今滎陽滎澤是乃奏廣樂季夏庚口休于范

宮仲秋丁巳天子射鹿于林中乃飲于孟氏爰舞白

鶴今之畜鶴孔雀馴還宿于雀梁季秋辛巳天

子司戎于口來虞人次御以次侍御備有所問孟冬烏至鴈來

王目口弋下云王目諸侯姬姓仲冬丁酉天子射獸

休于深藿。藿藿之藿得麋麇豕鹿四百有二十得二虎九

狼乃祭于先王命庖人熟之。庖人主飲食者戊戌天子西游

射于中。方落草木鮮命虞人掠林除藪以為百姓

材。以供人之材用。掠謂剝伐之。是日也天子北入于邴。邴鄭邑也音丙與

井公博三日而決。疑井公賢人而隱枋。故穆王就之遊戲也。辛丑塞。戒不

進為塞也。至于臺乃大暑除天子居于臺以聽天下之因

避暑遠方口之數而衆從之。是以選枋。音勒乃載之神人

口之能數也。有道數也乃左右望之。占候也天子樂之。愛其術也

口為口而時口焉。口其名曰口。公去乘人口猶口有

虎在乎葭中天子將至七萃之士高奔戎請生捕

虎必全之乃生捕虎而獻之詩所謂祖禡暴虎獻于公所此之謂也天

子命之為柙柙檻也論語曰而畜之東虞是為虎牢

因以名其地也今榮陽成臯縣是天子賜奔戎駉馬十駟爾雅曰駉獵齊足尚

疾歸之太牢奔戎再拜詣首丙辰天子北遊

于林中乃大受命而歸仲秋甲戌天子東遊次于雀

梁一宿為舍再宿為信過信為次蠹書于羽林謂暴書中橐蟲因云蠹書也季

秋口乃宿于昉畢人告戎告戎難也曰隳翟來侵天子使

孟僖如畢討戎僖音霍侯舊告薨霍國今在平陽永安縣西南有城

天子臨于軍邛狩于藪季冬甲戌天子東遊飲于留

祈射于麗虎讀書于蒨邛君舉必書蒨音犁口獻酒于天子

乃奏廣樂天子遺其靈鼓乃化為黃蛇周禮曰靈鼓四面洪範所

謂鼓妖也是日天子鼓道其下而鳴從失鼓而擊鼓也鼓

非曰道南方來也乃樹之桐因以樹梧桐以為鼓則神且鳴

則利於戎宜以攻戎以為琴則利口于黃澤東遊於黃澤

宿于曲洛洛水之回曲地名也廢口使宮樂謠宮樂典樂者曰黃之

也其馬歎沙歎鞞也善問切皇人威儀威畏也黃之澤其馬歎

玉皇人受穀穀生也皆諸謠辭丙辰天子南遊于黃口室之

邙以觀夏后啓之所居

疑此言太室之邙嵩高山啓母在此山化為石而子啓亦

登仙故其上有啓石也皆見歸藏及淮南子

乃口于啓室

似謂入啓室中

天子筮

獵萃澤

音餅

其卦遇訟

坎下乾上

逢公占之曰訟之繇

繇交

辭音

藪澤蒼蒼其中口宜其正公戎事則從

水性平而天無

私兵不曲撓而戎事集也

祭祀則惠畋獵則獲口飲逢公酒賜之

駿馬十六絺紵三十篋

絺葛精者

逢公再拜稽首賜筮史

狐口有陰雨夢神有事

有事祭也

是謂重陰

因以紀也

天子乃

休日中大寒北風雨雪有凍人天子作詩三章以哀

民

哀猶愍也

曰我徂黃竹口員閔寒帝收九行

行道也言收羅九域

之道里也左傳曰經啓九道嗟我公侯百辟冢卿辟君冢卿冢宰皇我萬

民也皇正且夕勿忘恆念也我徂黃竹口員閔寒帝收九

行嗟我公侯百辟冢卿皇我萬民且夕勿窮令無田也有

狡者駘駘鳥名狡白貌音路翩翩其飛言得意也嗟我公侯口勿則

遷自侯以下似當云百辟冢居樂甚寡言守一居少樂不如

遷上居無禮樂其民言當以禮樂化其人也天子曰余一人則

淫淫于遊樂不皇萬民口登乃宿于黃竹天子夢羿射于

塗山羿有窮氏帝善射者祭公占之疏口之口乃宿于曲山壬

申天子西升于曲山口天子西征升九阿疑今西安縣十里九

坂也。南宿于丹黃。戊寅，天子西升于陽口，過于靈口井。

公博。

穆王往反，輒從井公博。遊明其有道德人也。

乃駕鹿以遊于山上，為

之石主，而口窳軫。

自軫坂也。今在河東大陽縣。傳曰：入于窳軫巔，軫二音。

乃次

于涇水之陽。

今之涇津也。在河東河北縣音項，脰之脰。

吉日丁亥，天子入

于南鄭。



穆天子傳卷六

古文

之虛皇帝之閭乃口先王九觀以詔後世

此復是登名山有所

銘勒封建也殘缺字多不可推考耳

已已天子口征舍于菹臺辛未紐

菹之獸

管子曰菹菜之壤今吳人呼田獵茸草地為菹音置

於是白鹿一牯蔡

逸出走

言突圍出牯觸也或曰所駕鹿迕猶驚也

天子乘渠黃之乘口焉

自此已上疑說遂得鹿之狀

天子止之

止謂為之名號方言耳

是曰五鹿官

人之口是止口其反是曰口皮口其脯是曰口脯天

子飲于潔水之上

潔水今濟陰潔陰縣音沓

官人膳鹿獻之天子

天子美之。是曰甘。自此以上皆因鹿以名所在。地用紀之也。今元城縣東郭有五鹿墟。

晉文公所乞食於野人處者也。癸酉天子南祭白鹿于漈口。乃西飲

于草中。草野之中。大奏廣樂。大謂盛作樂也。是曰樂人。亦以紀之。甲戌

天子西北口姬姓也。盛栢之子也。盛國名。疑上說姬事。公羊傳曰成者

何盛也者為諱之。天子賜之上姬之長。今盛栢為姬盛諱戚同姓者。

在上。是曰盛門。天子乃為之臺。為盛姬築臺也。是曰重璧之

臺。言臺狀如壘壁。戊寅天子東狃于澤中。逢寒疾。言盛姬在此遇風寒

得疾。天子舍于澤中。盛姬告病。天子憐之。口澤曰寒氏

以名。盛姬求飲。天子命人取漿而給。得之速也。傳是澤也。

曰壺。端壺器名。端音遄。速也。與遄同。天子西至于重璧之室。盛姬

告病。口天子哀之。上疑說盛姬死也。是曰哀次。哭泣之位次。天子

乃殯盛姬于穀止之廟。先王之廟有在此者。口壬寅

天子命哭。令羣臣大臨也。啓為主。為之喪主。即下伊扈也。祭

父賓喪。禮儀。天子王女叔姪為主。叔姪穆王之女也。音癡。癡王之子。天子

口賓之命終喪禮。今特喪也。於是殤祀而哭。殤未成喪也。盛姬年小。

也。內史執策。所以書贈賻之事。官人口丌職。曾祝敷

筵席設几。敷猶鋪也。周禮曰喪事仍几。盛饋具。饋具也。肺鹽羹。肉也。當以

音大。行。馘。言。脯。棗。醢。音移。醢。音移。魚。腊。魚。糗。寒粥也。韭。韭。

夏天子傳

三

百物言備有也乃陳腥俎十二乾豆九十鼎敦壺尊四十

敦似盤器雜器也會祝祭食禮雖喪祭皆祭食示有所先也進肺鹽祭

酒以肺換鹽中以祭所謂振祭也禮以肺見少牢饋食也乃獻喪主伊扈伊扈

拜受口祭女又獻女主叔姪叔姪拜受祭口祝報祭

觴大師樂官乃哭卽位就喪位也畢哭內史口策而哭策上宜作

讀既夕禮曰主人會祝捧饋而哭捧兩手持也御者口祈

而哭侍御者入浴抗者觴夕而哭抗猶舉也禮記口小臣四人抗衾也

佐者承斗而哭佐斂者也斗厚水杓也佐者佐飲食者衣衾佩口而

哭樂口人陳琴瑟口竽疑竽上宜作籥如笛今載笙竽亦竽屬籥三孔欬吏所

吹者筦  
筦如併兩  
音管

而哭百口衆官人各口其職事以哭

百衆猶  
百族也

曰士女錯踊九口乃終

錯互也哭則三踊三哭而九踊所謂成踊

也者喪主伊臯哭出造舍

倚廬也

父兄宗姓及在位者從

之佐者哭

佐斂者也

且徹饋及壺鼎俎豆

皆佐者主爲之

衆宮人

各口其職皆哭而出

畢事

井利口事後出而收

井利所以獨後

出者典喪祭器物收斂之也或曰井利稽慢出不及輩故收縛之

癸卯大哭殤祀而

載載祖

甲辰天子南葬盛姬於樂池之南

卽立池也

天子

乃命盛姬口之喪視皇后之葬法

視猶比也

亦不拜後于

諸侯

疑字錯誤所未詳也

河濟之間共事

供給事也

韋穀黃城三邦

之事輦喪輦謂挽輶車發三國之衆以示榮後七萃之士抗者即車舉

以就會祝先喪導也大匠御棺為棺御也周禮曰喪祝為御禮記曰諸侯御柩

以羽葆謂在前日月之旗七星之文言旗上畫日月及北斗星也禮

記曰日月為旗常亦通名鼓鍾以葬龍旗以口鳥以建鼓獸以建

鍾龍以建旗曰喪之先後及哭踊者之間畢有鍾旗

口百物喪器并利典之列于喪行靡有不備行行擊

鼓以行喪舉旗以勸之令盡哀也擊鍾以止哭彌旗以節

之為節音節曰口祀大哭九而終喪出于門喪主即

位就哭位也周室父兄子孫倍之倍倍列位也諸侯屬子宗屬

王吏倍之外官王屬七萃之士倍之外官所主姬姓

子弟倍之盛姬之族屬也執職之人倍之執職猶執事也百官衆人

倍之哭者七倍之列七重踊者三十行行萃百人百人爲一

倍萃聚也女主卽位嬖人羣女倍之嬖人王所幸愛者王臣姬姓

之女倍之疑同姓之女爲大夫士妻者所謂內宗也宮官人倍之宮官爲內也

宮賢庶妾倍之庶妾衆散妾也哭者五倍踊者次從以次相從曰

天子命喪一里而擊鍾止哭曰匠人哭于車上御棺不得

下也曾祝哭于喪七萃之士哭于喪所曰小哭錯踊三

踊而行五里而次次猶止也曰喪三舍至于哀次五舍至

于重壁之臺三十里為舍也乃休休駐也天子乃周姑

繇之水以園喪車決水周澆之也是日固車以號也曰

殤祀之於此復祭孟冬辛亥邢侯曹侯來吊曹國今濟陰定陶縣是也

內史將之以見天子天子告不豫而辭焉不豫辭病也尚書曰

武王不豫邢侯曹侯乃吊太子太子哭出廟門以迎邢侯

曹侯不進再拜勞之問勞之也侯不答拜謙不敢與太子抗禮邢侯謁哭

于廟謁告也太子先哭而入西向即位內史賓侯賓北

向而立大哭九邢侯厝踊三而止與太子拾踊太子送邢

侯至廟門之外邢侯遂出太子再拜送之曹侯廟弔



入哭太子送之亦如邢侯之禮雖弔異而禮同壬子天子具

官見邢侯曹侯具官備禮相見天子還返將歸邢侯曹侯執見

拜天子之武義所未聞天子見之乃遣邢侯曹侯歸于

其邦王官執禮共于二侯如故言不以喪廢禮曰天子出憲

命以或綈此以上以說贈贈命事衣物曰綈音遂癸丑大哭而口甲寅

殤祀大哭而行喪五舍于大次曰喪三日于大次三停

也殤祀如初辛酉大成百物皆備送葬之物具備壬戌葬史

錄繇鼓鍾以赤下棺窆也七萃之士士女錯踊九口

喪下下謂入土昧爽天子使嬖人所愛幸者贈用文錦明衣九

領謂之明衣言神明之衣

喪宗伊扈贈用變裳

宗亦主變裳裳名也

女主

叔姪贈用茵組

茵褥百嬖人官師畢贈

言盡有禮贈也官師羣士號也

禮記曰官師一廟

共利乃藏

藏之於墓所報哭于大次

報猶反也大次有次

神次也祥祠口祝喪罷哭辭于遠人

辭謝遣歸

為盛姬諡曰

哀淑人

恭人短折曰哀

天子止人

為止作名

是曰淑人之止乙丑

天子東征舍于五鹿叔姪思哭

思哭盛姬

是曰女姪之止

西以名五鹿也

丁卯天子東征釣于漂水以祭淑人是曰祭

正己巳天子東征食馬于漂水之上乃鼓之棘是曰

馬主

未詳所云

癸酉天子南征至于蒞臺仲冬甲戌天子

西征至於因氏國名天子乃釣于河以觀姑繇之木姑繇

大木也山海經云尋木長千里生海邊謂此木類丁丑天子北征戊寅舍于

河上乃致父兄子弟王臣姬上云王臣姬姓之女口祥祀畢哭

疑此亦同也終喪于囂氏服闋已卯天子西濟于河囂氏之

遂庚辰舍于茅尺地名於是禋祀除喪始樂素服而歸

哀未忘也是日素氏天子遂西南癸未至於野王今河內縣甲

申天子北升于大北之隘疑此太行山也而降休于兩栢之

有兩栢也天子永念傷心乃思淑人盛姬於是流涕七

萃之士萋豫上諫于天子曰自古有死有生豈獨淑

人天子不樂出於永思永思有益莫忘其新言思之有益者

莫忘更求新人天子哀之乃又流涕聞此言愈更增感也是日輟已未

乙酉天子西絕鉞澄即鉞山之坂一云癸巳遊于井鉞之山吉日癸巳乃遂

西南戊子至于塩塩池今在河東解縣塩音古已丑天子南登于

薄山翼軫之澄今軫橋西南懸絕中央有兩道乃宿于虞虞國名今大陽縣

庚申天子南征吉日辛卯天子入于南鄭

漢武帝內傳

漢魏叢書原本

漢 扶風班固著 章斐然閱

漢孝武皇帝景帝子也。未生之時，景帝夢一赤彘從雲中下，直入崇芳閣。景帝覺而坐閣下，果有赤龍如霧來蔽戶牖。宮內嬪嬙望閣上，有丹霞翳蔚而起，霞滅見赤龍盤迴樓閣。景帝召占者姚翁以問之。翁曰：「吉祥也。此閣必主命世之人，攘夷狄而獲嘉瑞。爲劉宗盛主也。然亦大妖。景帝使王夫人移居崇芳閣，欲以順姚翁之言也。乃改崇芳閣爲猗蘭殿。旬餘，景帝

夢神女捧日以授王夫人。夫人吞之。十四月而生。武帝景帝曰：吾夢赤氣化爲赤龍，占者以爲吉，可名之。吉至三歲，景帝抱於膝上，撫念之，知其心藏洞徹，試問兒樂爲天子否？對曰：由天不由兒。願每日居宮垣，在陛下前戲弄，亦不敢逸豫。以失子道，景帝聞而愕然，加敬而訓之。他日復抱之，凡前試問兒悅習何書，爲朕言之。乃誦伏羲以來羣聖所錄陰陽診候及龍圖龜策數萬言，無一字遺落。至七歲，聖徹過人。景帝令改名徹，及卽位，好神仙之道，常禱祈名山大川。五

嶽以求神仙。元封元年正月甲子登嵩山起道宮。帝齋七日。祠訖乃還。至四月戊辰。帝閒居承華殿。東方朔董仲舒在側。忽見一女子著青衣。美麗非常。帝愕然。問之。女對曰。我墉宮玉女。王子登也。乃爲王母所使。從崑崙山來。語帝曰。聞子輕四海之祿。尋道求生。降帝王之位。而屢禱山嶽。勤哉。有似可教者也。從今日。清齋不闕人事。至七月七日。王母暫來也。帝下席跪諾。言訖。玉女忽然不知所在。帝問東方朔。此何人。朔曰。是西王母。紫蘭宮玉女。常傳使命。往來扶桑。出

入靈州交關常陽傳言立都阿母昔出配北燭仙人。近又召還使領命祿真靈官也。帝於是登延靈之臺。盛齋存道。其四方之事權委於冢宰焉。到七月七日。乃修除宮掖。設坐大殿。以紫羅薦地。燔百和之香。張雲錦之幃。然九光之燈。列玉門之棗。酌蒲萄之醴。宮監香果爲天宮之饌。帝乃盛服立於堦下。勅端門之內。不得有妄窺者。內外寂謐。以候雲駕。到夜二更之後。忽見西南如白雲起。鬱然直來。逕趨宮庭。須臾轉近。聞雲中簫鼓之聲。人馬之響。半食頃。王母至也。縣



投殿前有似鳥集或駕龍虎或乘白麟或乘白鶴或  
乘軒車或乘天馬羣仙數千光耀庭宇既至從官不  
復知所在睢見王母乘紫雲之輦駕九色斑龍別有  
五。十。天。仙。側。近。鸞。輿。皆。長。丈。餘。同。執。綵。旄。之。節。佩。金  
剛。靈。壘。戴。天。真。之。冠。咸。住。殿。下。王。母。唯。扶。二。侍。女。上  
殿。侍。女。年。可。十。六。七。服。青。綾。之。袿。容。眸。流。盼。神。姿。清  
發。真。美。人。也。王。母。上。殿。東。向。坐。著。黃。金。褱。襪。文。采。鮮  
明。光。儀。淑。穆。帶。靈。飛。大。綬。腰。佩。分。景。之。劍。頭。上。大。華  
髻。戴。太。真。晨。嬰。之。冠。履。玄。瑤。鳳。文。之。舄。視。之。可。年。三

十許脩短得中天姿掩藹容顏絕世真靈人也下車  
登牀帝跪拜問寒暄畢立因呼帝共坐帝面南王母  
自設天厨真妙非常豐珍上果芳華百味紫芝萎蕤  
芬芳填櫟清香之酒非地上所有香氣殊絕帝不能  
名也又命侍女更索桃果須臾以玉盤盛仙桃七顆  
大如鴨卵形圓青色以呈王母母以四顆與帝三顆  
自食桃味甘美口有盈味帝食輒收其核王母問帝  
帝曰欲種之母曰此桃三千年一生實中夏地薄種  
之不生帝乃止於坐上酒觴數遍王母乃命諸侍女

王子登彈八琅之璈。又命侍女董雙成吹雲和之笙。石公子擊昆庭之金。許飛瓊鼓震靈之簧。婉凌華拊五靈之石。范成君擊湘陰之磬。段安香作九天之鈞。於是衆聲澈朗。靈音駭空。又命法嬰歌玄靈之曲。歌畢。王母曰。夫欲脩身當營其氣。太仙真經所謂行益易之道。益者益精。易者易形。能益能易。名上仙籍。不益不易。不離死厄。行益易者。謂常思靈寶也。靈者神也。寶者精也。子但愛精。握固閉氣。吞液。氣化爲血。血化爲精。精化爲神。神化爲液。液化爲骨。行之不倦。神

精充溢爲之一年易氣二年易血三年易精四年易  
脈五年易髓六年易骨七年易筋八年易髮九年易  
形形易則變化變化則成道成道則爲仙人吐納六  
氣口中甘香欲食靈芝存得其味微息揖吞從心所  
適氣者水也無所不成至柔之物通致神精矣此元  
始天王在丹房之中所說微言今勅侍笈玉女李慶  
孫書錄之以相付子善錄而修焉於是玉母言語旣  
畢嘯命靈官使駕龍巖車欲去帝下席叩頭請留殷  
勤王母乃止王母乃遣侍女郭密香與上元夫人相

問云。王九光之母敬謝。但不相見。四千餘年矣。天事  
勞我。致以愆面。劉徹好道。適來視之。見徹了了。似可  
成進。然形慢神穢。腦血淫漏。五臟不淳。問胃彭亨。骨  
無津液。脈浮反升。肉多精少。瞳子不夷。三尸狡亂。立  
白失時。雖當語之以至道。殆恐非仙才也。吾久在人  
間。實爲臭濁。然時復可遊。望以寫細念。庸主對坐。悒  
悒不樂。夫人可暫來否。若能屈駕。當停相須。帝見侍  
女下殿。俄失所在。須臾郭侍女返。上元夫人又遣一  
侍女答問云。阿環再拜。上問起居。遠隔絳河。擾以官

事。遂。替。顏。色。近。五。千。年。仰。戀。光。潤。情。係。無。違。密。香。至。  
奉。信。承。降。尊。於。劉。徹。處。聞。命。之。際。登。當。命。駕。光。被。太。  
帝。君。勅。使。詣。立。洲。按。定。天。元。正。爾。暫。住。如。是。當。還。還。  
便。束。帶。願。暫。少。留。帝。因。問。王。母。不。審。上。元。何。真。也。王。  
母。曰。是。三。天。上。元。之。官。統。領。十。萬。玉。女。名。錄。者。也。俄。  
而。夫。人。至。亦。聞。雲。中。簫。鼓。之。聲。既。至。從。官。文。武。千。餘。  
人。並。是。女。子。年。皆。十。八。九。許。形。容。明。逸。多。服。青。衣。光。  
彩。耀。目。真。靈。官。也。夫。人。年。可。二。十。餘。天。姿。精。耀。靈。眸。  
絕。朗。服。青。霜。之。袍。雲。彩。亂。色。非。錦。非。繡。不。可。名。字。頭。

作三角髻餘髮散垂至腰戴九雲夜光之冠曳六出  
火玉之珮垂鳳文林華之綬腰流黃揮精之劍上殿  
向王母拜王母坐而止之呼同坐北向夫人設厨厨  
亦精珍與王母所設者相似王母勅帝曰此真元之  
母尊貴之神女當起拜帝拜問寒溫還坐夫人笑曰  
五濁之人耽酒榮利嗜味淫色固其常也且微以天  
子之貴其亂目者倍於凡焉而復於華麗之墟拔嗜  
慾之根願無爲之事良有志矣王母曰所謂有心哉  
夫人謂帝曰汝好道乎聞數招方術祭山嶽祠靈神

禱河川亦爲勤矣。勤而不獲，實有由也。汝胎性暴，胎性淫，胎性奢，胎性酷，胎性賊。五者恒舍於榮衛之中，五藏之內。雖獲良鍼，固難愈也。暴則使氣奔而攻神，是故神擾而氣竭。淫則使精漏而魂疲，是故精竭而魂消。奢則使真離而魄穢，是故命逝而靈失。酷則使喪仁而自攻，是故失仁而眼亂。賊則使心鬪而口乾，是故內戰而外絕。此五事者，皆是截身之刀，鋸剝命之斧斤矣。雖復志好長生，不能遺茲五難，亦何爲損性而自勞乎。然由是得此小益，以自知性，爾若從今。



已捨爾五性反諸柔善明務察下慈務矜寬惠務濟  
貧賑務施勞念務存孤惜務及愛身恒爲陰德救濟  
死厄旦夕孜孜不泄精液於是閉諸淫養汝神放諸  
奢從至儉勤齋戒節飲食絕五穀去羶腥鳴天鼓飲  
玉漿蕩華池叩金梁按而行之當有異耳今阿母迂  
天尊之重下降於螻蛄之窟睿虛之靈而詣狐鳥之  
俎且阿母至誠妙唱玄音驗其敬勗節度明修所奉  
比及百年阿母必能致汝於玄都之墟迎汝於昆閬  
之中位以仙官遊於十方信吾言矣子勵之哉若不

能爾無所言矣。帝下席跪謝曰。臣受性凶頑。生長亂濁。面牆不啓。無由開達。然貪生畏死。奉靈敬神。今日受教。此乃天也。徹戢聖命。以爲身範。是小醜之臣。當獲生活。唯垂哀護。願賜上元夫人使帝還坐。王母謂夫人曰。卿之爲戒。言甚急切。更使未解之人。畏於至意。夫人曰。若其志道。將以身投餓虎。忘軀破滅。蹈火履水。固於一志。必無憂也。若其志道。則心凝真性。嫌疑之徒。不畏急言。急言之發。欲成其志耳。阿母既有念。必當賜以尸解之方耳。王母曰。此子勤心已久。而

不遇良師。遂欲毀其正志。當疑天下必無仙人。是故我發閭宮。暫舍塵濁。旣欲堅其仙志。又欲令向化不惑也。今日相見。令人念之。至於尸解下方。吾甚不惜。後三年。吾必欲賜以成丹半劑。石象散一具。與之則微不得復停。當今外彛未彌。邊陲有事。何必令其倉卒。舍天下之尊。而便入林岫。但當問篤向之志。必卒何如其迴。改吾方數。來王母因撫帝背曰。汝用上元夫人至言。必得長生。可不勗勉耶。帝跪曰。徹書之金簡。以身模之焉。帝又見王母巾笈中。有一卷書。盛以

紫錦之囊帝問此書是仙靈方耶不審其目可得瞻  
 盼否王母出以示之曰此五嶽真形圖也昨青城諸  
 仙就吾請求今當過以付之乃三天太上所出文祕  
 禁重豈汝穢質所宜佩乎今且與汝靈光生經可以  
 通神勸心也帝下地叩頭固請不已王母曰昔上皇  
 清虛元年三天太上道君下觀六合瞻河海之長短  
 察邛山之高卑立天柱而安於地理楨五嶽而擬諸  
 鎮輔貴昆陵以舍靈仙尊蓬邛以館真人安水神於  
 極陰之源棲太帝于扶桑之墟於是方丈之阜為理

命之室。滄浪海島。養九老之堂。祖瀛之炎。長元流光。  
生鳳麟。聚窟各爲洲名。並在滄流大海。玄津之中。水  
則碧黑。俱流波則震蕩。羣精諸仙。玉女聚居滄溟。其  
名難測。其實分明。乃因山源之規矩。觀河嶽之盤曲。  
陵迴阜轉。山高隴長。周旋透迤。形似書字。是故因象  
制名。定實之號。書形秘於立臺。而出爲靈真之信。諸  
仙佩之。皆如傳章道士。執之。經行山川百神。羣靈尊  
奉親近。汝雖不正。然數訪仙澤。扣求不忘於道。欣子  
有心。今以相與。當深奉慎。如事君父。泄示凡夫。必禍

及也。上元夫人語帝曰：阿母今以瓊笈妙韞發紫臺之文，賜汝八會之書。五嶽真形可謂至珍且貴，上帝之玄觀矣。子自非受命合神，弗見此文矣。今雖得其真形，觀其妙理而無五帝六甲左右靈飛之符、太陰六丁通真逐靈玉文之籙、太陽六戊招神天光策精之書、左乙混沌東蒙之文、右庚素收攝殺之律、壬癸六遯隱地八術、丙丁入火赤班符、六辛入金致黃水月華之法、六巳石精金光藏景化形之方、子午卯酉八稟十訣六靈咸儀、丑辰未戌地真素訣、長生紫書。

三五順行寅申巳亥紫度炎光內祠中方凡缺此十  
二事者當何以召山靈朝地神攝總萬精驅策百鬼  
束虎豹役蛟龍乎子所謂適知其一未見其他也帝  
下席叩頭曰徹下土濁民不識清真今日聞道是生  
命會遇聖母今當賜以真形修以度世夫人云今告  
徹應須五帝六甲六丁六符致靈之術旣蒙啓發宏  
益無量唯願告誨濟臣饑渴使已枯之木蒙靈陽之  
潤焦炎之草幸甘雨之漑不敢多陳帝啓叩不已王  
母又告夫人曰夫真形寶文靈宮所貴此子守求不

已。誓。以。必。得。故。虧。科。禁。特。以。與。之。然。五。帝。六。甲。通。真。  
招。神。此。術。眇。邈。必。須。清。潔。至。誠。殆。非。流。濁。所。宜。施。行。  
吾。今。既。賜。徹。以。真。形。夫。人。當。授。之。以。致。靈。之。途。矣。吾  
嘗。憶。與。夫。人。共。登。玄。隴。朔。野。及。曜。真。之。山。視。王。子。童  
王。子。立。就。吾。求。請。太。上。隱。書。吾。以。三。元。祕。言。不。可。傳  
泄。於。中。仙。夫。人。時。亦。有。言。見。助。於。子。童。之。言。志。矣。吾  
既。難。違。來。意。不。獨。執。惜。至。於。今。日。之。事。有。以。相。似。後  
造。朱。火。丹。陵。食。靈。瓜。味。甚。好。憶。此。未。久。而。已。七。千。歲  
矣。夫。人。既。以。告。徹。篇。目。十。二。事。畢。必。當。匠。而。成。之。緣



何令人主稽首請乞叩頭流血耶。上元夫人曰阿環  
不苟惜。向不持來耳。此是大虛羣文真人赤童所出  
傳之既自有男女之限。禁又宜授得道者。恐徹下才  
未應得此耳。王母色不平。乃曰天禁漏泄。犯違明科  
傳必其人。授必知真者。夫人何向下才而說其靈飛  
之篇目乎。妄說則泄泄而不傳。是銜天道。此禁豈輕  
於傳耶。別勅三官司直推夫人之輕泄也。吾之五嶽  
真形太寶。乃太上天皇所出其文寶妙。而爲天仙之  
信。豈復應下授於劉徹耶。直以徹孜孜之心。數請川

嶽勤修齋戒以求神仙之應。志在度世。不遭明師。故  
吾等有以。下眇之耳。至於教仙之術。不復限惜。而弗  
傳。夫人且有致靈之方。能獨執之乎。吾今所以授徹  
真形文者。非謂其必能得道。欲使其精誠有驗。求仙  
之不惑。可以誘進。向化之徒。又欲令悠悠者。知天地  
間有此靈真之事。足以却不信之狂夫耳。吾意在此  
也。此子性氣淫暴。服精不純。何能得成真仙。浮空參  
差。十方乎。勤而行之。適可度於不死耳。明科所云。非  
長生難聞。道難也。行之難。非行之難也。終之難。良匠

能與人規矩。不能使人必巧也。何足隱之耶。夫人謝曰。謹受命矣。但環疇昔蒙倒景君無常先生二君傳靈飛之約。以四千年一傳女授女。不授男。太上科禁已表於昭生之符矣。環授書以來。并賢大女卽抱蘭凡傳六十八女子。固不可授男也。伏見扶廣山青真小童受六甲靈飛於太甲中元。凡十二事。與環授者同。青真是環入火弟子所授。六甲未聞是別授於人。彼男官也。今止敕取之。將以授徹也。先所以告篇目者。意是愍其有心。將欲堅其專氣。令且廣求他日與。

之亦欲以男授男承科而行使勤而方獲令知天真之珍貴耳非徒苟執銜泄天道阿環王臣願不罪焉阿母真形之貴愍於勤志亦已授之可謂大不宜矣王母笑曰亦可恕乎上元夫人卽命侍女紀離容徑到扶廣山敕青真小童出六甲左右靈飛致神之方十二事當以授劉徹也須臾侍女還捧五色玉笈鳳文之蘊以出六甲之文曰弟子何昌言向使奉絳河攝南真七元君檢校羣龍猛獸之數事畢授敎承阿母相詣劉徹家不意天靈至尊乃復下降於臭濁中

也不審起居比來何如侍女紀離容至云尊母欲得  
金書祕字六甲靈飛左右策精之文十二事欲授劉  
徹輒封一通付信曰徹雖有心實非仙才詎宜以此  
傳泄於行尸乎昌近在帝處見有上言者甚衆云山  
鬼哭於叢林孤魂號於絕域興師旅而族有功忘賞  
勞而刑士卒縱橫白骨煩擾黔首淫酷自恣罪已彰  
於太上怨已見於天氣囂言互聞必不得度世也奉  
尊見敕不敢違耳王母歎曰言此子者誠多然帝亦  
不必推也夫好道慕仙者精誠志念齋戒思愆輒除

過一月。克已反善。奉敬真神。存真守一。行此一月。輒  
 除過一年。徹念道累年。齋亦勤矣。累禱名山。願求度  
 脫。按計功過。殆已相掩。但今以去。勤修至誠。奉土元  
 夫人之言。不宜復奢淫暴虐。使萬兆勞殘。冤魂窮鬼。  
 有被掘之訴。流血之尸。忘功賞之辭耳。夫人乃下席  
 起立。手執八色玉笈。鳳文之蘊。仰帝而祝曰。九天浩  
 洞。太上耀靈神照。玄寂清虛。朗明登虛者。妙守氣者。  
 生。至念道臻。寂感真誠。役神形。辱安精。年榮授徹靈  
 飛。及此六丁。左右招神。天光策精。可以步虛。可以隱

形長生久視。還白留青。我傳有四萬之紀。授徹傳在  
四十之齡。違犯泄漏。禍必族傾。反是天真。必沉幽冥。  
爾其慎禍。敢告劉生。爾師主是真青童小君。太上中  
黃道君之師。真元始十天王入室弟子也。姓延陵。名  
陽。字庇華。形有嬰孩之貌。故仙宮以青真小童爲號。  
其爲器也。三朗洞照。聖周萬變。玄鏡幽覽。才爲真俊。  
游於扶廣。權此始運。館玄圃。治仙職。分子在師。居從  
爾所願。不存所授。命必傾淪。言畢。夫人一一手指所  
施用節度。以示帝焉。凡十二事都畢。又告帝曰。夫五

帝者方面之天精六甲六位之通靈佩而尊之可致  
長生此書上帝封於立景之臺子其寶秘焉王母曰  
此三天太上之所撰藏於紫陵之臺隱以靈壇之房  
封以華琳之函韞以蘭蕪之帛約以紫羅之素印以  
太帝之璽受之者四十年傳一人無其人八十年可  
頓授二人得道者四百年一傳得仙者四千年一傳  
得真者四萬年一傳昇太上者四十萬年一傳非其  
人謂之泄天道得其人不傳是謂蔽天寶非限妄傳  
是謂輕天老受而不敬是謂慢天藻泄蔽輕慢四者



取死之刀斧。延禍之車乘也。泄者身死於道路。受上刑而骸裂蔽者。盲聾於來世。命周枉而卒歿。輕則鍾禍於父母。詣立都而考罰。慢則暴終而墮惡道。棄疾於後世。此皆道之科禁。故以相戒。不可不慎也。王母因授以五嶽真形圖。帝拜受俱畢。夫人自彈雲林之璈歌步立之曲。王母命侍女曰。四非答哥哥畢。乃告帝從者姓名及冠帶執佩物名。所以得知而紀焉。至明旦。王母與上元夫人同乘而去。人馬龍虎道從音。樂如初。而時雲彩鬱勃。盡爲香氣。極望西南良久。乃

絕帝既見王母及上元夫人。乃信天下有神仙之事。其後帝以王母所授五真圖靈光經及上元夫人所授六甲靈飛十二事。自撰集爲一卷。及諸經圖皆奉以黃金之箱。封以白玉之函。以珊瑚爲軸。紫錦爲囊。安著栢梁臺上。數自齊潔朝拜。燒香灑掃。然後乃執省焉。帝自受法。出入六年。音旨清暢。高韻自許。爲神真見降。必當度世。恃此不修。至德更興。起臺館。勞弊萬民。坑降殺服。遠征夷狄。路盈怒歎。流血膏城。每事不從。至太初元年十一月乙酉。天火燒栢梁臺。真形

圖靈飛經錄十二事靈光經及自撰所受凡十四卷。拜函並失。王母當知武帝既不從訓。故火災耳。其後東方朔一旦乘龍飛去。同時衆人見從西北上冉冉仰望良久。大霧覆之。不知所適。至元符二年二月帝病行。齎屋西憇五柞宮。丁卯帝崩。入殯未央宮前殿。三月葬茂陵。是夕帝棺自動而有聲。聞宮外如此數遍。又有芳香異常。陵畢墳塋間大霧門柱壞。霧經一月許。日帝塚中先有一玉箱一玉杖。此是西胡康渠王所獻。帝甚愛之。故入梓宮中。其後四年有人於扶

風市中買得此二物。帝時左右侍人有識此物。是先帝所珍玩者。因認以告有司。詰之買者。乃商人也。從關外來宿鄆市。其日見一人於此車巷中賣此二物。青布三十疋。錢九萬。卽售之。度實不知。賣箱杖主姓名。事實如此。有司以聞。商人放還。詔以二物付太廟。又帝崩時遺詔。以雜經三十餘卷。常讀玩之。使隨身。歛。到建康二年。河東功曹李友。八上黨抱犢山採藥於巖室中。得此經。盛以金箱。卷後題東觀臣姓名。記月日。武帝時也。河東太守張純。以經箱奏進。帝問武

帝時左右侍臣有典書中郎冉登見經及箱流涕對曰此孝武皇帝殯歛時物也臣當時以著梓宮中不知何緣得出宣帝大愴然驚愕以經付孝武帝廟中按九都龍真經云得仙之下者皆先死過太陰中鍊尸骸度地戶然後乃得尸解去耳且先歛經杖乃忽顯出貨於市中經見山室自非神變幽妙孰能如此者乎